



Nº 7. Marzu 2006.

Cartafueyu de Mucedá d'Izquierda Asturiana.

na cai

internacional >>

Llibertá pa los pueblos ocupaos

Trés años depués de la invasión d'Iraq, **mias>> vuelve a la cai pa reivindicar los derechos** d'esti pueblu y de tolos qu'anguaño siguen tando ocupaos poles fuerces militares de los países occidentales, que como nel casu d'Iraq, busquen nello'l desenvolvimientu de **determinaos intereses mercantiles que davezu suelen tener como protagonistas al petroleu o a les armes.**

Dende estes llinies queremos seguir faciendo un llamáu a la movilización a favor de la llibertá y l'antimilitarismu nun tiempu nel que lo bélico sigue tando de murnia actualidá.



**nós tamién
mexamos pa ellos**

Poru, **mias>> va tar nos actos entamaos pa los díes 16 y 17** n'Uviéu y Xixón, respectivamente, escontra la ocupación, recordando que nun ye sólo Iraq quien carez d'esta circunstancia.

La mocedá independentista y antiglobalizadora asturiana va seguir demandando'l respetu que cada pueblu amerita y los derechos que caúna de les persones que los forma ha poder esfrutar. **La capacidá d'autodetermin y la xusticia social han ser los pegollos nos qu'afitar el futuru de les naciones de La Tierra.**

feminismu >>

Debate y llucha pola revolución de xéneru

Bien de persones tuvieron nel Campus del Milán p'asistir al actu qu'entamó **mias>>: "Relaciones patriarcales n'estremaos ámbitos"**. Esi fo'l títulu de la mesa redonda qu'ellí tuvo llugar y que s'allargó per más de dos hores. Nella participaren cinco muyeres procedentes d'estayes **mui diferentes:** Cristina Pardilla (Tríbadas-XEGA), Paula Cristóbal (música), Yolanda Huergo (abogada, IAS), Fatima Ahmed-Shalem (psicóloga, refuxada saharauí) y Pilar Fdez. (filóloga). Darréu d'un espaciu pal debate abiertu, púnxose'l piesllu a esta



mesa cola actuación del grupu **Dulcamara**, que metió al públicu en bolsu dende'l primer güelpe de pandereta.



En trancando les puertes del actu, un conxuntu de militantes y simpatizantes de MIAS y IAS empobinóse a la puerta'l Teatru Campoamor onde a les 8 la tarde entamó una concentración promovida pola Plataforma 8 de marzu, na que participa'l **Grupu de Moces y Muyeres d'IAS y MIAS**. Ellí siguió espardiéndose bien del material diseñao pa la ocasión, el "Na cai 6", asina como la nueva chapa reivindicativa d'esta organización: **"Llucha pola igualdá"**.

asturies >>

¿Sovención o censura?

La convocatoria de **sovenciones del Institutu Asturianu de la Mocedá** pa esti añu, espublizada en BOPA de 23 de febreru de 2006, constitúi, a xuiciu de mias>> una política censora ensin precedentes, poro, **desiximos que seya atiendíu'l sentir de les asociaciones** de mocedá pa que se frenen les represives iniciatives surdiés dende l'órganu institucional de mocedá del gobiernu d'Asturies.

Suari (mias>>) sorrayó'l descaru con que nes convocatories apaez **"la mano censora de la Directora del IAM,** qu'algama, práuticamente, derechu de vetu, interpretación y resolución de les bases sobre los proyeutos que les asociaciones presenten, abellugándose siempre baxo criterios téunicos". Per otu lláu, amosó'l so "plasmu" al ver como, ente otres midies que dificulten l'actividá de les entidaes, les asociaciones que seyan beneficiaries nún importe igual o superior al 20% del coste total del proyeutu o actividá, autoricen, pol mesmu fechu de ser "agraciaes", al ente de la RTPA a la comunicación pública de les mesmes actividaes.

Pa mias>> **esti fechu constitúi una intromisión forciada na privadidá de les actividaes** de les asociaciones. Pa finar, Carlos Suari, espetó que "si los pilancos, el control políticu y les dificultaes alministratives son los finxos de los planes de mocedá d'esti gobiernu de la izquierda plural, nun vamos quedar callaos".

enseñu >>

Otra escuela ye posible

Mocedá d'Izquierda Asturiana participó'l 22 de febreru na manifestación **"pola escuela pública y contra esta LOE"** que tuvo llugar en Xixón. El cortexu que cuntó cola presencia de dellos cientos de persones entamó na Plaza l'Humedal a les 19.00 hores pa finar na Plaza'l Parchís

dempués d'un bon percorríu peles cais de la villa. El cortexu d'IAS-mias>> diba encabezáu por una pancarta onde podía lleese **RELIXÓN NES ESCUELES ¡NON!** y a la que siguía otra que pidía una **ESCUELA ASTURIANA, PÚBLICA, LLAICA Y DE CALIDAD.** Tampoco nun faltaron les banderes marielles d'IAS, les d'Asturies y los gayíos de la mocedá: "Más asturianu, menos relixón", "Los cures y les monxes chupen como esponxes", "Zapatero tas como'l clero" o "Asturianu nes escuelas, relixón nes ilesies".




Al aportar a la céntrica Plaza xixonesa del Parchís, fíxose llectura del comunicáu conxuntu de les organizaciones convocantes, finando l'actu con gayíos de **"l'abstención ye traición"**, consigna que s'espardió dende'l nuesu grupu al restu d'asistentes, n'alusión a les organizaciones presentes que dieron de pasu esta llei en Madrid y, al tiempu, siguen "manifestándose" a la so contra.

mocedá >>

IAS Xixón pide que s'igüen más locales pa la creación moza

El portavoz d'IAS-Xixón, Rodríguez Alonso, indicó qu' "estos espacios, que dieren mui bonos resultaos ellí onde se crearen hasta agora, constitúin un apueste decidíu en relación al fuegu mozo", polo qu'**Izquierda Asturiana (IAS)** en Xixón reclama al Conceyu la **instalación na ciudá d'espacios destinaos a satisfacer les inquietúes creatives de la**



mocedá ufriendo actividaes rrellacionaes coles artes yá seyan plástiques, escéniques, audiovisuales o cualquier otra experiencia vanceyada col campu de la creación artística (moda, cocina, arte experimental, etc).

qué ye mias? >>

Somos un grupu de **xente mozo** que hacemos por esparder una **conciencia crítica** colo que nos arrodiada dende una **perspectiva asturiana y d'izquierda.** La **Ecoloxía, la Xusticia Social** y l'**Asturianismu** son les exes de la nuestra actividá. Actividá que tien de ser fecha por y pa la mocedá asturiano, amosando que n'Asturies somos munches/os les/os que nun tamos d'alcuertu col modelu actual, que **nun vemos con bonos güeyos "l'autonomía" ruina y emprestada que nos "regala" l'estáu español,** que **nun asumimos como igua al nuestro futuru la emigración obligada, nin la explotación de los trabayos basura.** Que **nun callamos frente a la discriminación sexista** que les moces tamos careciendo, **nin a la implantación cuasi colonial de multinacionales, nin al esfarrame del nuestro mediu ambiente...** Trabayamos pa da-y al nuestro país otra traza. **Queremos una Asturies respetuosa col mediu, ensin xéneros, que s'enfrente a la globalización del beneficiu pa cuatro, pa mundializar los drechos sociales y llaborales.** Una Asturies **arguyosa de la so identidá, de la so cultura y llingua,** una Asturies **soberana,** dueña del so futuru y qu'apueste pola **democracia participativa** con una ciudadanía protagonista de les decisiones que-y afecten. Una Asturies **llibre, onde la opción sexual nun seya torga pal desenvolvimientu social.** Queremos ser la mocedá que faiga por otra Asturies, la de la xusticia y la llibertá. Ente toes y toos vamos construyir la nuesa Asturies.

Mocedá d'Izquierda Asturiana

www.ias.as/mias >> mias@ias.as
Primo de Rivera, 1, Oficina 9. 33001 Uviéu.

¡STOP PATRIARCÁU! REVOLUCIÓN DE XÉNER

